

Bosna i Hercegovina
Federacija Bosne i Hercegovine
Kanton Sarajevo



Bosnia and Herzegovina
Federation of Bosnia and Herzegovina
Canton Sarajevo

Općina Stari Grad Sarajevo
Općinsko vijeće

Municipality of Stari Grad Sarajevo
Municipal Council

Na osnovu člana 2.2. i 2.12. Izbornog zakona Bosne i Hercegovine ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), člana 7. i 8. Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH", broj: 1/22, - Prečišćeni tekst i 13/22) i Odluke Općinskog vijeća Stari Grad Sarajevo o objavljivanju Javnog oglasa za imenovanje 1 (jednog) člana Općinske izborne komisije Stari Grad Sarajevo, broj: 02-45-753/22 od 29.12.2022. godine, Općinsko vijeće Stari Grad Sarajevo, objavljuje

JAVNI OGLAS

za imenovanje 1 (jednog) člana Općinske izborne komisije Stari Grad Sarajevo

Opći uslovi: da je osoba sa pravom glasa i da posjeduje odgovarajuću stručnu spremu i iskustvo u provođenju izbora

Posebni uslovi: da ima prebivalište na području općine Stari Grad Sarajevo, da ima završen fakultet, odnosno VII/I stepen stručne spreme ili završen fakultet bolonjskog sistema studiranja sa najmanje 180 ETCS i da posjeduje iskustvo u provođenju izbora (pod iskustvom se podrazumijeva članstvo u Izornoj komisiji i članstvo u biračkom odboru na izborima obuhvaćenim Izbornim zakonom BiH)

Rok za podnošenje prijave na Javni oglas je 8 (osam) dana od dana objavljivanja oglasa u dnevnim novinama. Prijave na Javni oglas kandidati trebaju dostaviti preporučenom poštom ili na protokol Općine u zatvorenoj koverti sa naznakom:

"PRIJAVA NA JAVNI OGLAS ZA IMENOVANJE ČLANA OPĆINSKE IZBORNE KOMISIJE – NE OTVARAJ", na adresu: Općina Stari Grad Sarajevo – Općinsko vijeće Stari Grad Sarajevo – Komisija za izbor i imenovanje (Konkursna komisija), ulica Zelenih beretki 4, 71 000 Sarajevo.

Kompletan tekst javnog oglasa dostupan je na zvaničnoj web stranici www.starigrad.ba/javni_pozivi, konkursi i oglasni.

Broj: 02-45-05/23
Sarajevo, 09.01.2023. godine

Sarajevo, Zelenih beretki 4,
Centrala: 033/282-300, Info put: 033/282-422
www.starigrad.ba
info@starigrad.ba



BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON



BOSNIA AND HERZEGOVINA
Federation of Bosnia and Herzegovina
ZENICA-DOBOJ CANTON

Maglaj Municipality
MAYOR

Broj: 06-30-4-2092-9/22
Maglaj, 29.12.2022. godine

Na osnovu člana 20. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", br. 49/05 i 103/21), Općinski načelnik Maglaj, donosi

ODLUKU

o poništenju javnog oglasa
za popunu radnih mjesta namještenika
u Općini Maglaj

Član 1.

Poništava se Javni oglas za prijema namještenika u radni odnos na neodređeno vrijeme, broj: 06-30-4-2092-2/22, od 09.11.2022. godine, za sljedeća radna mjesta:

- Referent vatrogasac u Službi civilne zaštite Općine Maglaj - Odjeljenje Profesionalne vatrogasne jedinice - 1 izvršilac na neodređeno vrijeme,
- Referent za održavanje premjera u Službi za urbanizam, geodetske i imovinsko pravne poslove Općine Maglaj - 1 izvršilac na neodređeno vrijeme,

koji je objavljen 15.11.2022. godine na internet stranici Općine Maglaj, Oglasnoj ploči Općine Maglaj i dnevnim novinama: „Dnevni avaz“, „Oslobođenje“ i „Večernji list“.

Član 2.

Razlog poništenja Javnog oglasa je postupanje po Presudi Ustavnog suda Federacije BiH ("Službene novine FBiH", broj: 88/22) i donošenje novog Pravilnika o unutrašnjoj organizaciji službi za upravu Općine Maglaj ("Službene novine Općine Maglaj", broj: 13/22).

Član 3.

Odluka stupa na snagu danom donošenja i biće objavljena na internet stranici Općine Maglaj, Oglasnoj ploči Općine Maglaj i dnevnim novinama: „Dnevni avaz“, „Oslobođenje“ i „Večernji list“.

Član 4.

Za realizaciju ove Odluke zadužuje se Služba Općinskog načelnika i Općinskog vijeća Općine Maglaj.

OPĆINSKI NAČELNIK
Mirsad Mahmutagić



Bosna i Hercegovina Federacija Bosne i Hercegovine
KANTON SARAJEVO
GRAD SARAJEVO GRADSKO VIJEĆE
Odbor za dodjelu
„Šestoaprilske nagrade Grada Sarajeva“

Na osnovu člana 5. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, br. 41/22 i 49/22), Odbor za dodjelu „Šestoaprilske nagrade Grada Sarajeva“, upućuje

JAVNI POZIV O USLOVIMA I NAČINU PREDLAGANJA KANDIDATA ZA DODJELU „ŠESTOAPRILSKE NAGRADE GRADA SARAJEVA“ U 2023. GODINI

U Gradu Sarajevu, Gradskom vijeću Grada Sarajeva, u toku su aktivnosti na pripremama za dodjelu „Šestoaprilske nagrade Grada Sarajeva“ u 2023. godini, u povodu 6. aprila, Dana Grada Sarajeva.

„Šestoaprilska nagrada Grada Sarajeva“ (u daljem tekstu: Nagrada) dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugim oblastima rada i stvaralaštva,

bez obzira na godinu ostvarenja, a koji doprinose ukupnom unaprjeđenju, promociji i razvoju grada Sarajeva, kao glavnog grada Bosne i Hercegovine i Federacije Bosne i Hercegovine.

Pod značajnim ostvarenjima, u smislu ove odluke, podrazumijeva se djelovanje i rezultati ostvareni u kontinuitetu koji se smatraju doprinosom razvoju odgovarajuće oblasti, u skladu s kriterijima uobičajenim za konkretnu oblast, a koja doprinose ukupnom razvoju, odnosno promociji grada Sarajeva.

Nagrada se može dodijeliti pojedincu i kolektivu (grupi okupljenih pojedinaca na realizaciji određenih poslova s rezultatima koji se mogu razmatrati u kandidaturi za dodjelu Nagrade kao značajna ostvarenja, odnosno značajni rezultati rada ako su njihova ostvarenja, odnosno rezultati rada odnose na doprinos Sarajevu, privatnom ili javnom privrednom društvu, ustanovi, udruženju i drugom pravnom subjektu s područja grada Sarajeva, kao i onom van područja grada Sarajeva, ako se njihova ostvarenja, odnosno rezultati rada odnose na doprinosu gradu Sarajevu).

U jednoj godini se mogu dodijeliti najviše dvije nagrade, i to jedna pojedinačna i jedna kolektivna nagrada, osim u slučaju iz člana 17. stav (6) Odluke o izmjenama Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 49/22). Nagrada se istom licu, bez obzira na kategoriju dobitnika Nagrade, može dodijeliti samo jedanput.

Nagrada se ne može dodijeliti organima uprave svih nivoa vlasti u BiH, političkim strankama/partijama, domaćim i međunarodnim političkim organizacijama i fondacijama, izabranim funkcionerima, poslanicima, vijećnicima svih nivoa vlasti u Bosni i Hercegovini za vrijeme trajanja njihovog mandata, kao ni zaposlenima u organima uprave svih nivoa vlasti Bosne i Hercegovine za ostvarenja koja se odnose na djelovanje u okviru djelokruga posla koji vrše u organu uprave.

Nagrada se uručuje 6. aprila, na Svečanoj sjednici Gradskog vijeća Grada Sarajeva u povodu Dana Grada Sarajeva, a uručuju je gradonačelnik Grada Sarajeva i predsjedavajući Gradskog vijeća.

Pravo predlaganja kandidata za Nagradu imaju privredna društva, ustanove, udruženja građana, grupe od najmanje 200 građana i druga pravna lica sa područja grada Sarajeva, kao i raniji dobitnici „Šestoaprilske nagrade Grada Sarajeva“, s tim da nemaju pravo isticanja sopstvene kandidature za Nagradu. Pravo predlaganja kandidata za Nagradu ima i gradonačelnik Grada Sarajeva.

Prijedlog podnosi najviši kolektivni organ upravljanja u skladu sa zakonom ili najvišim pravnim aktom tog organa, i to odlukom tog organa o podnošenju prijedloga kandidata za Nagradu. Predlagač je dužan dostaviti pismenu saglasnost kandidata da prihvata kandidaturu za predloženu oblast, kao i izvod iz važećeg zakona ili najvišeg pravnog akta kojim dokazuje da je riječ o najvišem kolektivnom organu upravljanja.

Prijedlog kandidature dostavlja se u dva (2) primjeka, sa detaljnim podacima, obrazloženjem i potrebnom dokumentacijom. Obrazloženje treba da sadrži podatke o kandidatu, ukupan radni opus i posebne zasluge u oblasti zbog kojih se kandidat predlaže za dodjelu Nagrade. U prijedlogu kandidature se navodi i podatak da je pojedinac državljanin Bosne i Hercegovine, a da kolektiv djeluje ili je registrovan za obavljanje djelatnosti na teritoriji Bosne i Hercegovine.

U slučaju da kandidata predlaže grupa od najmanje 200 građana, dužna je u pismenoj formi dostaviti i spisak građana koji obavezno mora da sadrži: puno ime i prezime građanina, broj lične karte i organ izdavanja sa područja grada Sarajeva i svojeručni potpis građanina.

Pozivaju se zainteresovani subjekti da upute svoje prijedloge kandidata u roku od 45 dana od dana objave Javnog poziva na zvaničnoj web stranici Grada Sarajeva, a što je zaključno s četvrtkom 26.01.2023. godine, do 16.00 sati, neposredno na protokol Gradskog vijeća Grada Sarajeva ili putem pošte na adresu:

GRAD SARAJEVO GRADSKO VIJEĆE
ODBOR ZA DODJELU „ŠESTOAPRILSKE NAGRADE GRADA SARAJEVA“
Hamdije Kreševljakovića broj 3/1, Sarajevo

Prijedlozi pristigli putem pošte nakon navedenog roka, neće se razmatrati.
Odluka o uslovima i načinu dodjele „Šestoaprilske nagrade Grada Sarajeva“ postavljena je na službenoj stranici Gradskog vijeća <https://gradskovijece.sarajevo.ba/>.

Za sve dodatne informacije zainteresovani se mogu obratiti putem telefona 033 216 659 ili elektronskom poštom na adresu pisarnica@sarajevo.ba.

Predsjedavajući Odbora
Adi Škaljić

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON



BOSNIA AND HERZEGOVINA
Federation of Bosnia and Herzegovina
ZENICA-DOBOJ CANTON

Općina Maglaj
OPĆINSKI NAČELNIK

Maglaj Municipality
MAYOR

Broj: 06-45-1-3-2/23
Maglaj, 05.01.2023. godine

Na osnovu člana 23. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", br. 49/05 i 103/21), a u vezi sa članom 104. i 105. Zakona o zaštiti od požara i vatrogastvu ("Službene novine Federacije BiH", broj: 64/09) i članom 96. i članom 97. Zakona o zaštiti od požara i vatrogastvu ("Službene novine Zeničko-dobojskog kantona" broj: 5/11) i Odlukom o potrebi raspisivanja javnog oglasa za prijem namještenika u radni odnos na neodređeno vrijeme (broj: 06-1-3-2/23 od 05.01.2023. godine), Općinski načelnik Maglaj, objavljuje

JAVNI OGLAS za prijem namještenika u radni odnos

- Referent vatrogasac 1 (jedan) izvršilac na neodređeno vrijeme u Službi civilne zaštite Općine Maglaj – Profesionalna vatrogasna jedinica
- Referent za održavanje premjera 1 (jedan) izvršilac na neodređeno vrijeme u Službi za urbanizam, geodetske i imovinsko pravne poslove Općine Maglaj – Odsjek za geodetske i imovinsko pravne poslove

Integralni tekst javnog oglasa objavljen je na zvaničnoj internet stranici Općine Maglaj (www.maglaj.ba) i Oglasnoj ploči Općine Maglaj.

Javni oglas ostaje otvoren 15 (petnaest) dana od dana posljednje objave u jednom od tri dnevna lista ("Dnevni avaz", "Oslobođenje" i "Večernji list"), koji se distribuiraju na cijelom prostoru Federacije BiH.

OPĆINSKI NAČELNIK
Mirsad Mahmutagić